

USARS uziqaphelile izinyathelo zomthetho ezithathwe yinyunyane abasebenzisana nayo iNhlango yeziSebenzi zikaHulumeni (i-PSA)

Tshwane 14 kuNhlaba 2021 – UPhiko lweziMali eziNgenayo eNingizimu Afrika luyakuqaphela ukuthi enye yezinyunyane abasebenzisana nazo, iNhlango yeziSebenzi zikaHulumeni (i-PSA) iqome ukuthatha izinyathelo zomthetho ukuze ithole isisombululo odabeni lokwenyuswa kwemihlo oluphakathi kukaSARS nenhlango yenyunyane yabasebenzi.

Ngaphambi kokuphela konyakamali, uKhomishana wakwaSARS wakhuluma nezisebenzi mayelana nezingxoxo eziqhubekayo nobuholi obuphezulu kanye neNhlango yenyunyane yabasebenzi mayelana nomthelela wesabiwomali esabelwe uSARS emithonjeni yezimali, okusalokhu kuyinselelo enkulu.

USARS, njengezinye izikhungo zikahulumeni, nawo wabelwa kusabiwomali sikazwelonke esivela kuMgcinimafa kaZwelonke. Kuyiqiniso elaziwayo ukuthi ubhubhane luwulimaze ngendlela engakaze ibonwe umnotho. Kanjalo nezimali zakwaSARS zithikamezekile.

Ngenxa yalokhu okubalulwe ngenhla, ngoLwesibili, mhla ziye-6 kuMbaso 2021, uSARS neNhlango yenyunyane yabasebenzi bahlangana ngenhloso yokubheka amathuba kulesi simo esikhona, ikakhulu kuxoxwe ngodaba lwemihlomulo yemali nengeyona eyemali enikwa izisebenzi i-*Employee Value Proposition*. Inhlango yenyunyane yabasebenzi yabeka uvo lwayo ngalokhu, futhi izoqhubeka nokuxoxisana noSARS kuya phambili.

NgoLwesithathu, mhla ziye-7 kuMbaso 2021, emhlanganweni okhethekile we-NBF, zonke izinhloko zakhuluma ngokufezwa kwesivumelwano semihlo seminyaka emi-3. USARS wayivezela iNhlango yenyunyane yabasebenzi ukuthi isimo esibhekene naso okwamanje ukuthi uSARS awukwazi ukunyunyusa izisebenzi imihlo yazo kulonyakamali wezi-2021/22, ngenxa yokuthi isabiwomali ababelwa sona sasingayifakanga imali yokunyunyusa amahlo ezisebenzi.

Kuwumthwalo wethu sonke ukwenza izinto ezikhombisayo ukuthi siyaziqonda izinselelo izwe lethu ezibhekene nazo. Izwe lethu libhekene nezinga elingemukelekile eliphezulu kakhulu zokuntuleka kwemisebenzi, kanti thina esinethuba lokuqhubeka nokusebenza, kumele siphazamise lokhu esikulindele uma sibeka izimfuno ezivunyelwe umthetho. Ngakho-ke, kubalulekile ukuthi sithathe izinyathelo ezizosilekelela sinqunde amandla alokhu kuntenga kwesimo sezimali esikhona ezweni lethu.

Siyayihlonipha inhlango yezinyunyana zabasebenzi ngokuthatha izinyathelo ezikhombisa ukukhathalela amalungu azo ngokuthi zithathe izinyathelo zokufuna izisombululo ngendlela yezomthetho.